

台政


敬呈

G2226
2
1

華洋
衆約
藏



光緒癸巳
雕於佛山



華洋臟象約纂自敘

夫以醫治人身之道。確乎有象可據。非可空談名理。若不察臟腑官骸之體用。但舉寒熱虛實之概。謬與溫涼補瀉之方。而能愈人之疾者鮮矣。

沛文

少承庭訓醫學。迄今臨證垂二十年。嘗兼讀華洋醫書。并往洋醫院親驗真形臟腑。因見臟腑體用。華洋著說不盡相同。竊意各有是非。不能偏主。有宜從華者。有宜從洋者。大約中華儒者。精於窮理。而拙於格物。西洋智士。長於格物。而短於窮理。華

醫未悉臟腑之形狀。而但測臟腑之營運。故信理太過。而或涉於虛。如以五色五聲配五臟。雖醫門之至理。乃或泥而不化。則徒障於理。而立論轉增流弊矣。洋醫但據剖驗臟腑之形狀。未盡達生人臟腑之運用。故逐物太過。而或流於固。如五臟開竅於五官。五志分屬於五臟。本人身之至理。乃或遺而不究。則不衷於理。而陳義未免偏枯矣。夫理非物則無所麗。窮理貴求其實。物非理則無爲宰。格物貴徹其源。擇而守之。神而明之。存乎其人耳。

茲雜彙華洋臟腑官骸體用異同之說。採其淺而易明。簡而有要者。筆而成帙。間亦竊附鄙意。以爲初學之助焉。但以彙纂華洋醫書。始自藐躬。事同草創。至若參互攷訂。以繩其謬。芟削修飾。以正其非。繁徵博引。以匯其全。觸類引伸。以窮其奧。務期大明斯道。而躋黔黎於仁壽者。則俟後之君子。

南海朱沛文謹識



華洋臟象約纂凡例

一拙集所纂專爲發明臟腑官骸形體功用。故說象之文較詳。說理之文較略。以說理之文。習華醫者聞之已熟。無庸贅述也。至於各臟體之爲病。各病證之治法。另詳拙輯華洋證治約纂之內。茲集間引一二病證。亦僅藉以發明人身之體用而不詳。

一拙集所言經云者。皆指內經也。

一拙集所引諸書。凡各篇各段之中。皆先華後洋。而所引華書。不盡拘世次爲先後。其一書中有引數說者。

亦不盡拘原文之先後。蓋爲明道起見。與應制之體并。四庫提要之體不同。折肱斯道者。必能洞悉也。

一引

御定諸書係應

制之體。應三擡頭。係

著述之體。應三擡頭。或空三格。此定例也。拙集所引御定醫宗金鑑。節去御定字。或稱醫

御定醫宗金鑑。節去

宗金鑑。或只稱金鑑。均不擡頭空格。蓋仿時賢各等著述。引周易折中。節去御纂字。引會典律例。

節去大清字之體也。

一引 本朝諸家著述。例不應表出書名人名。此應制之體宜爾也。拙集非應

制程式故亦不拘。

一拙集所引洋書。有日本者。有英吉利者。有米利堅者。其英米諸說。皆以洋醫云概之。其日本者。如東醫寶鑑。經穴纂要。皆統稱爲華醫之說。良以二書所載。皆本於中華故也。

一英米醫書。近行於中國者。計十餘種。惟英文簡練雅馴。初學之士。較易明晰。故拙集所引。英國爲多。

一拙集諸篇。多以體用名其題。則所著錄。自宜先體後

用。然篇內每有先言用後言體。或隨言體隨言用者。鄙見有二。一欲閱者一覽卽明。一不欲將原文太過割裂致增繁碎也。

一華書所載臟腑長短大小輕重之說。不能無疑。拙集不敢強解。因古來權度難稽。且間有傳寫之誤故也。一所引各書。先內經難經。次諸家。次洋醫。此竊先經後傳之義也。然所引諸家及洋書之處。間有將經文爲證。而分注其下者。或按語之中。引用經文者。均未免有以經釋傳之嫌。蓋爲明道起見。欲使閱者一目瞭

然故也。識者諒之。

一既引諸說之後。有加按語者。有不加按語者。有只據其中之一說。而僅按其一二語之意者。鄙見有二。一以原文義理可從。詳盡無容覆按。免滋繁冗也。一以原文義理難稽。不敢臆按。恐悞後人也。

一集後附刻臟腑官骸圖式。皆選自洋醫。非棄華從洋。但以繪畫工匠。洋人較勝耳。至此集原爲纂纂臟腑官骸起見。故華醫經絡俞穴等圖。亦未附入。俟拙輯鍼灸書成。當附刻於彼集焉。

華洋圖書總目

三

華洋臟象約纂目錄

卷首附錄

本在銳骨之端標在背膂說

嗜酒嗜煙臟腑有異試立主治法

南方治宜微鍼說

六氣標本所從不同說

脾不主時論

寒從中生論

其作日晏與其日早辨

脾痺膽痺論

仲景用梔子治煩胸論

讀書門徑

診脈格式



命門真火精宮真陰論

腦論

五志爲病論

卷上

自敘

凡例

心臟體用說

肝臟體用說

脾臟體用說

肺臟體用說

腎臟體用說

甜肉體用說

心包絡腑體用說

膽腑體用說

胃腑體用說

小腸腑體用說

大腸腑體用說

膀胱腑體用說

三焦腑體用說

腦髓體用說

卷中

耳官體用說

眼目官體用說

鼻官體用說

口舌官體用說

齒牙體用說

咽喉喉嚨懸雍會厭體用說

皮膚體用說

肌肉體用說

筋膜體用說

骨節體用說
附周身名位

卷下

血脈運行說

諸氣運行說

津液化用說

外腎體用說

子宮體用說

胎孕原委說

月水功用說

乳汁功用說

音義

諸圖

華洋臟象約纂卷上

督學使者

汪柳門先生

鑒定

徐花農先生

南海朱沛文少廉甫

一字紹溪編輯

胞兄成文碧溪甫

胞弟熙文耀溪甫

同參

同校

堂兄謙遜宛溪甫

胞姪汝芹泮卿甫

心臟體用說

經云。所以任物者謂之心。白虎通云。心之爲言任也。任於恩也。釋名云。心纖也。所識纖纖無物不貫心也。卮言